

ՏԻԳՐԱՆ ՉՈՒԽԱԾԵԱՆԻ «ԻՆԴԻԱՆԱ» ՕՊԵՐԱՅԻ ԱՌԵՂԾՈՒԱԾԸ

Տ. Չուխանեանի կեանքի եւ ստեղծագործութեան առեղծուածներից է «ինդիանա» օպերան: Մինչ օրս չուխանեանագիտութեան մէջ գեռեւս վերջնականացիս յատակեցուած չէ այս ստեղծագործութեան տեղն ու գերլ թէ՝ կոմպոզիտորի ժառանգութեան, թէ՝ հայ երաժշտական թատրոնի պատմութեան մէջ:

1914-ին Կ. Պոլտում լրյու է տեսնում Շարասանի «Թրքահայրեմը» իր գործիչները՝ աշխատութիւնը, որտեղ հեղինակը գրում է. «Զուհաննանի վերջին գործը՝ Զեմիրէ, դիցարանական գուսաններգործին մը, որ առաջին անգամ ներկայացուեցաւ 1891ին Բերա, Քոնեկորտիի մէջ Պնննդդիի ֆրանս. խումբին կողմէ, երկրորդ ներկայացումը տրուեցաւ Ֆրանճինի իտալ. խումբով 1894ին, Ֆրանսական նոր թատրոնին մէց»¹:

12 տարի անց՝ 1926-ին, Վենետիկում լրյու տեսած թէոդիկի «Ամէնուն Տարեցոյցում» նուպար Ալեքսանեանը նոյնպէս «Զեմիրէն» համարում է կոմպոզիտորի ստեղծած վերջին օպերան. «Զեմիրէ» դիւրախաղն իր կարապի երգն եղաւ»²:

1941-ին Կ. Պոլտում լրյու տեսած իր յօդուածում ռեժիսոր էր թատերական գործիչ Աշոտ Մադաթեանը հաւաստում է. «Զուխաննանի վերջին գործը՝ «Ինդիանա» օպերան է: Այս գործը տակաւին ներկայացուած չէ և կը մնայ խրանքուլ պ. Արամ Մելիքնանի բով»³:

¹ ՇԱՐՍՍՍՆ, Թրքահայ թեմը և իր գործիչները (1850-1908), Պոլիս, տպարան Արարատ, 1914, էջ 48:

² Ա.ԼԵՔՍՍՆԵԱՆ Ն., Տիգրան Զուխաննան. իր կեանքն ու արուեստը, Թէոդիկ, Ամենուն Տարեցոյցը, Վենետիկ, 1926, էջ 457:

³ ՍՏԵՓԱՆԵԱՆ Գ., Տ. Զուխաննանի մի անյայտ օպերայի մասին, Երեւան, «Սովորական արուեստ», 1957, N 2, գետրուար, էջ 49.

Հինգ տարի անց Կ. Պոլսում լոյս տեսած «Անիւ» պարբերականի 1946-ի N 2-ում Զուխաճեանին նուիրուած իր յօդուածաշարում Ա. Մաղաթեանը գրում է. «1897-ին գրեց «Ինդիան» օպերան, որ իր վերջին գործը նոյա, և մէկ քանի ոսկիի փոխարէն Մելիքեանին եռվ աւանդ քողելէ յետոյ գնաց իզմիր»⁴, իսկ N 4-ում մանրամասներ հաղորդում օպերայի ստեղծման մասին. «Չուհաշեան այս օպերան եղանակաւորեր է ներշնչուելով Արդիւլիակ Համիդի «Հնդկուիին» անուն ֆերբուածական քատերախաղէն: Այս տեղեկութիւնը ստացեր եմ դերասանապես Մնակեանին: Չուհաշեան իր այս կարապի երգը մէկ քանի ոսկիի փոխարէն աւանդ ձգելով Եզիազար Մելիքեանին գացած է Իզմիր: Ըստ Արամ Մելիքեանի՝ ««Ինդիան» Չուհաշեանի ամենէն գեղարուեստական և անբննադատելի գործն է, որ մինչեւ այսօր կը մնայ անոր ժօն: Շատ փափագելի է, որ մեր գեղարուեստակաւոր հարուստներէն մին գնահատելի եղոյթով մը գոհացում տար Արամ Մելիքեանին և մութէն լուսին մէջ դնել այդ գեղեցիկ գործը»⁵:

1955-ին թուրք երաժշտագէտ Օսման Նահիդը Զուխաճեանի մասին իր յօդուածում գրում է. «Չուհաշեանի շատ մը ստեղծագործութիւններէն կարեւորներն են «Արուս», «Օլիմպիա» օպերաները, «Արիֆին Հիլեսի», «Քէուէ Քիհեա» օպերները, «Լեպլեպիշի» օպերա-կոմիքը և այլ «Զեմիրէ», «Ինդիան»»⁶:

1957-ին Գ. Մտեփանեանը խորհրդահայ չուխաճեանագիտութեան մէջ առաջին անգամ լիշտակում է «Ինդիանա» օպերայի գոյութեան փաստը: «Տ. Չուհաշեանի մի անյայտ օպերայի մասին» յօդուածում 1957-ին նա գրում է. «Որքան ցանկալի կը լիներ գտնել եւ հասարակութեան սեփականութիւն դարձնել հայ երաժշտական կլասիկ արուեստի նաեւ այդ կարեւոր նըմոյշը»⁷: Գ. Մտեփանեանի նուիրական ցանկութիւնն իրականութիւն է գառնում 15 տարի անց, երբ Սիրվարդ Գարամանուկեա-

⁴ Նոյն տեղում:

⁵ Նոյն տեղում, էջ 49-50:

⁶ Նոյն ինքը՝ «Արամ Բ»:

⁷ Մտեփանեան Գ., Տ. Չուհաշեանի մի անյայտ օպերայի մասին, էջ 49:

⁸ Նոյն տեղում, էջ 50:

նի⁹ ջանքերով «Ինդիանայի» ձեռագիրը վերջնականապէս հանգըրուանում է Երեւանի Ե. Չարենցի անուան գրականութեան եւ արուեստի թանգարանի Տ. Չուխաճեանի դիւանում:

1972-ի տարեսկզբին Երեւանի Կոմիտասի անուան պետական կոնսերւատորիայի դասախոս, երաժշտագէտ Մանուկ Դաւթեանն այցելում է Ստամբուլ եւ Հանդիպում Ս. Գարամանուկեանի հետ: 1972-ի յուլիսի 27-ին Երեւանի Գրականութեան եւ արուեստի թանգարանի դիրեկտոր, թատերագէտ, արուեստագիտութեան դոկտոր Մարգիս Մելիքսէթեանին ուղղուած նամակում¹⁰ Ս. Գարամանուկեանը գրում է. «Դաւթեան տեղեկացաւ ուրիշ իրողութեան մը թէ Տիգրան Չուխաճեանի վերջին գործը «Ինտիանա» Օրեա-Ֆոմիկը ամբողջութեամբ ի պահ կը մընայ իմ բով. Դաւթեան շատ խանդակառուեցաւ եւ ամէն գենվ ուզեց ինձ անձամբ փոխադրել այս բանկագին ձեռագիրը, բայց ես աւելի պահով նկատեցի Բարիզի նամրով ուղարկել զանոնիք: Վերջին Երեւանէ, Մ. Դաւթեանն ստացայ նամակ մը որով կը տեղեկացներ թէ «Ինտիանա»յի ձեռագիրները Բարիզի Առաջնորդ Սերովը. Արք. Մանուկեան անձամբ փոխադրած է Երեւան եւ յանձնած Վեհափառ Հայրապետի պատշաճը տօնորինելու դիտումով: Ներկայիս Բարիզ գտնուելով այցելեցի Մանուկեան Սրբազնին տեղեկանալու համար ուր եղած է ձեռագիրներու վերջին հանդրուանը: Սրբազնը շատ ուրախ եղաւ գիտակցելով խնդրին եռթեան եւ գետահեց զիս այդ արժեքաւոր ձեռագիրները Երեւան հանած եւ անոնց պահով հայրենիք փոխադրութիւնը յաջողացուցած ըլլալուս համար»¹¹: Գարամանուկեանի նամակի յետագայ շարադրանքը կարեւոր տեղեկութիւններ է պարունակում «Ինդիանայի» ձեռագրերի վերաբերեալ: «Խարանապուլի մէջ, Վոսփորի եւրոպական

⁹ Սիրվարդ Գարամանուկեան, - ստամբուրահայ կոմպոզիտոր, դաշնակահարուչի, խմբավար, հասարակական գործիչ: Հնդինակել է դաշնամուրային ստեղծագործութիւններ, մեներգեր, խմբերգեր, «Վաղուայ արուեստագէտները» պատանեկան օպերեար (Գարամանուկեանի մասին տե՛՛ ԲՐՈՒՏԵԱՆ Յ., Հայ երաժշտական մշակոյթի աշխարհապիտ ընմանակը, Երեւան, 1996, էջ 38):

¹⁰ Ս. Գարամանուկեանի՝ «Ինդիանայի» ձեռագրերի մասին արժեքաւոր տեղեկութիւններ պարունակող նամակը ըրջանառութեան մէջ է գրում առաջին անգամ:

¹¹ Ս. Գարամանուկեանի նամակը, ԳԱԹ, Տ. Չուխաճեանի դիւան:

ափունքին կայ Ռումելի հիսար գիւղը ուր կը բնակէր Տիկ. Սոֆի Կիւլոյեան եւ իր աղջիկը Թելօմէն. Տիկ. Սոֆի (65-66 տարեկան) հոգեկան հիւանդ էր եւ խեղն: Գանատա մնկնող իր որդույն կարօտով կը տուայսէր: Խմ ընտանիքիս գիւղագրնացութեան վայրը ըլլալով Ռումելի հիսար՝ մտերմացայ Կիւլոյեաններու հետ: Միշոց մը վերջ տեղեկացայ որ մէկ տարէ ի վեր իրենց ժով ի պահ կը մնայ Տիգրան Զուխանեանի կարգ մը ձեռագիրները: Յիշեալ Տիկինը բոռն է մեծահարուստ պրն. Եղիազար Մելիքեանի որ 1871-72 թուականներուն Զուխանեանի ողջուրեան եւ նիւրական անձուկ օրերուն՝ գրնած է իր չորս օրերաններուն ձեռագիրները: Զուխանեան որ այդ շրջանին հիւանդ ալ էր, այդ դրամով մնկնած է Բարիզ իր ազգականներուն մօտ՝ անցընելու իր վերջին օրերը: Թուականներ եօթը ուրը տարի առաջ Պէյրութէն Տիգրան անուն մէկը ներկայացած է իրենց Զուխանեանի բոլոր ձեռագիրները գնելու մտադրութեամբ: Տիգրանին ընկերակցող Աշոտ Մադարեան (պոլսահայ ականաւոր դերասան եւ դերուսոյց) թելադրած է միւսներուն կարգին չծախել «Ինտիհանա»յի ձեռագիրները մատնանշելով որ երբեք ընդօրինակած չէ եւ հետեւարար չէ ներկայացուած տակաւին ոչ մի տեղ: Արդ՝ Տիկ. Սոֆի իր անձուկ վիճակին դարձան մը ըլլալու մտքով կը խորհէր ծախու հանել զայն: Իբրև ընտանիքին քարեկամ նախ ինձի յայտնեց այդ գաղափարը միշու վախնակով որ մի գուցէ նարպիկ անձեր կրնային իր ձեռքէն կորզել զայն աժան գնով: Խորհեցայ թէ առանց տարաձայնութեան յարմար պիտի ըլլար մէր ընտանեկան շրջանակին հայրայքել որոշուած գումարը եւ նոյնպէս առանց տարաձայնութեան զանոնի դնել հայրենիք առաջնորդող ապահով համրու մը մէջ: Այս նկատառումով քարեկամ անձերու միշոցաւ Բարիզ փոխադրուեցաւ ամրողական գործը եւ յանձնուեցաւ Անրովիք Արք. Մանուկեանի: Այժմը երջանիկ եմ որ գրեթէ տարի մը առաջ սկսուած գործ մը իր վերջին հանգրուանին հասած է ապահով եւ յանձնուած է Երեւանի մշակոյթի եւ արուեստի թանգարանին ...»¹²:

Շուտով «Գարուն» ամսագրի խմբագրութեան խնդրանքով Զուխանեանի նորայայտ օպերայի մասին 1977-ին ուսումնասիրութիւններ են կատարում Գ. Մտեփանեանն ու Մ. Մուրագեանը: Հստ Գ. Մտեփանեանի՝ «Զուխաջեանը «Ինդիհանան» գրել

¹² Նոյն տեղում:

է 1896 կամ 1897 թթ.: Մահացել է մէկ տարի անց»¹³: «Ինդիանայի» կլաւիրի մասին Մ. Մուրադեանը գրում է՝ «Մի քանի պարզ է, որ «Ինդիանան» պատկանում է Չուխաչեանին: Այդ են վկայում ոչ միայն բանասիրական տուեալները, այլև օպերայի լեզուա-ռեական երաժշտական ընդհանրութիւնները Չուխաչեանի նախորդ թեմական ստեղծագործութիւնների հետ»¹⁴:

Անհամականալի է, թէ ի՞նչն է պատճառը, որ դրանից յետոյ, աւելի քան երեք տասնամեակ շարունակ հայրենական երաժշտագիտութեան մէջ Չուխաճեանին նույիրուած ուսումնասիրութիւններում, յօդուածներում եւ հրապարակումներում հետեւողականորդէն անտեսուել է «Ինդիանան», շրջանցուել նրա գոյութեան փաստը:

Մեզ համար կասկածից վեր է, որ «Ինդիանան» Չուխաճեանի ստեղծագործութիւնն է, եւ դրա հիմնաւորման կարիքն առանձնապէս չկայ: «Ինդիանայի» հետ կապուած մեր նկատառումները վերաբերում են ամէնից առաջ օպերայի ստեղծման ժամանակաշրջանին: Օպերայի Չուխաճեանի գրչին պատկանելու փասոն ընդունողները գտնում են, որ այն ստեղծուել է 1896-97-ին: «Հստ աղբիւրների, Տ. Չուխաճեանը «Զեմիրէից» յետոյ, 1897-ին դրել է «Ինդիանա» օպերան՝ թուրք գրող Արդիւրհակ Համբիի «Հնդկուհին» երկի հիման վրայ: Ասում է նաև, թէ այդ գործի ձեռագիրը Չուխաճեանն իր միւս օպերաների հետ դրաւ է դրել Եղիազար Մելիքեանի մօտ, մեկնել իզմիր, որտեղ էլ վախճանուել է կարճ ժամանակից, թէ «Ինդիանան» յետագյում պահուել է Եղիազարի որդու Արամ Մելիքեանի մօտ»¹⁵: Մտեփանեանը շարունակում է. «Նա (Չուխաճեանը - Ա.Ա.) իր բոլոր ձեռագրերը, նաև միակ հարստութիւնը հանդիսացող ժամանցյոց գրաւ դնելով է. Մելիքեանի մօտ, Երանից վերցնում է անիրաժեշտ գումարը և մնկնում իզմիր, որտեղ էլ վախճանում է կարճ ժամանակից»¹⁶: Հստ Մադաթեանի «Ինդիանան» կոմպոզիտորը գրել է 1897-ին, մի քանի ոսկով գրաւ դրել Մելիքեանի մօտ ու մեկնել իզմիր: «Կոմպոզիտորը այն («Ինդիանան» - Ա.Ա.) աւարտել է 1897 թուին, իր մահից ըն-

¹³ Տե՛ս ՍՏԵՓԱՆԵԱՆ Գ., Տիգրան Չուխաճեանի նորայայտ օպերան, էջ 26-30:

¹⁴ Տե՛ս ՄՈՒՐԱԴԵԱՆ Մ., «Ինդիանա» օպերայի կլաւիրի մասին, Երեւան, «Գարուն», 1977, N 4, էջ 30-32:

¹⁵ ՍՏԵՓԱՆԵԱՆ Գ., Տիգրան Չուխաճեանի նորայայտ օպերան, էջ 26:

¹⁶ Նոյն տեղում, էջ 28:

դամենը մէկ տարի առաջ եւ ականատես չի եղել իր օպերայի թեմադրութեանը»¹⁷, - ահաւասիկ Մ. Մուրագեանի տեսակէտը:

Մեր կարծիքով՝ Զուխաճեանն «Ինդիանան» գրել է ոչ թէ մահից մէկերկու տարի առաջ, այլ 1870-ականների երկրորդ կէսին: Ահաւասիկ մէր վարկածի կոռուանները.

Ա. Յայտնի է, որ Զուխաճեանը Կ. Պոլսից տեղափոխուեց Ճմբունիս 1896-ին: Իր ողջ կեանքը Պոլսում անցկացրած ու փառքի հասած կոմպոզիտորի համար նման որոշման դրավագանձառը ՀՅԴ ձեռնարկած՝ Բանկ Օտոմանի գրաւումն էր 1896-ի օգոստոսի 14-ին, որն առաջ բերեց թուրքական հայտեաց դեկավարութեան վայրագութիւնների հերթական ալիքը: Յարմար առիթ էր ներկայացել արիւնարքու սուլթանին, եւ նա նոր մոլեգնութեամբ ձեռնամուխ եղաւ իր հայացինջ ծրագրերի իրագործմանը. «Գազազած սուլթանը (նոյն ինքը Արդուլ Համիդ) հրամայում է արեան մէջ խեղողել հայութեան ձայնը: Երեք օր ու գիշեր իրենց սեւ գործն են կատարում զինուած ամբոխն ու խուժանը, զինուորական յատուկ զոկատներն ու ոստիկանական խմբերը, բաղաքի քրեական յանցագործներն ու մասնագիտացած մարդասպանները եւ առհասարակ հասարակութեան ամեն տեսակի քահօնները: Զոհուում են տասնեակ հազարաւոր անմեղ հայ բաղաքացիները»¹⁸: Պոլսում արուեստի աշխարհը վերածում է աւերակների կոյսի, մանաւանդ հայ իրականութեան շրջանակներում»¹⁹: Յետագայում Մմրատ Քէսէճեանը կը գրի. «1896 Օգոստոս 16-ին պատահած շարդին օրը երայի մէծ փողոցին վրայ Variété քատրոնին առջև՝ եղ-

¹⁷ ՄՈՒՐԱ.ԴԵԱՆ Մ., Արևագիծ արեւմտահայ երաժշտութեան պատմութեան, Երեւան, 1989, էջ 165:

¹⁸ Անեղ զոհերի թւում էր նաեւ Նիկոլ Գալանդերեանի հայրը, որի ողբերգական մահը շրջագարձավին նշանակութիւն ունեցաւ. Նիկոլի մետաքայ ճակատագիրի համար: Հայ բնակչութեան զանդուածային կոտորածներն ընդգրկեցին նաեւ միւս քաղաքները. 1896-ի սեպտեմբերի 7-ին Նիկոլի ծննդեան 15-ամեակը «նշանաւորուեց» Ակնի ջարդով (ան՛ս Ա.ՍԱՏՐԵԱՆ Ա., Հայ երաժշտութեան նուիրեալը. Նիկոլ Գալանդերեան (ծննդեան 125-ամեակի առքի), Գիտութեան աշխարհում, Երեւան, 2006, N 1, էջ 10; Նիկոլ ԳՍԼԱՆԴԵՐԵԱՆ, Դու նորից եկել ես, Երգեր, իմբնակնեսագրութիւն, Երեւան, 1999, էջ 7-9):

¹⁹ ԹԱՀՄՆՁԵԱՆ Ն., Տիգրան Զուհանեան. Կնանքը եւ Ատեղագործութիւնը, Փաստահնա, 1999, էջ 77:

բայրս Եղիա Քէսէնեան, իտալական խումբին baryton Տանելիի հետ նահատակունցան քուրք խուժանի ձևով, Rigoletto-ի փորձեն տուն վերադառնալուս պահուն, եւ ես հրաշքով ազատեցայ: Մնակեան ջարդեն տասը օր յետոյ իր որդուն Արամ Մնակեանի հետ թերա եկաւ. խորհրդակցելով անոնց հետ որոշեցինք խումրով նզմիր երքալ, եւ արդէն հինգ օր յետոյ Պոլսէն ճամրայ ելնելով՝ նզմիր հասանք. մեզ կ'ընկերանար Մակար Զուխանեան իր ընտանիքով: Նոյնպէս թէ եւ եւ թէ բոլոր խումբի անդամները՝ մեր ընտանիքներու բոլոր անդամներով եր որ կը մէկէինք Պոլսէն չվերադառնալու պայմանաւ»²⁰:

Ալիքինքն՝ Կ. Պոլսից հեռանալով 1896-ի օգոստոսի վերջին, Զուխանեանը չէր կարող «Ինդիանան» գրել ու գրաւ զնել Մելիքանի մօտ 1897-ին:

Բ. Նշում է, որ Զուխանեանը գրաւ է գրել իր բոլոր օպերաները, մինչդեռ «Զեմիրէն» այս ցուցակում բացակայում է: Տրամարանական է, որ կոմպոզիտորը միւների հետ Մելիքանի մօտ գրաւ կը դնէր նաև «Զեմիրէն», եթէ այն արդէն ստեղծուած լինէր:

Գ. Ա. Գարամանուկեանի նամակում նշում է, որ կոմպոզիտորն օպերաները գրաւ է գրել 1870-ականներին:

Դ. Ա. Գարամանուկեանը նկատում է, որ օպերայի «ոնը շատ մօտ է Լէվլիպիթի հօրիոր»ի ոնին»: Մեր կարծիքով աւելի ճիշտ կը լինէր ասել՝ առհասարակ կոմիկական օպերաների ոճին. Զուխանեանը իր չորս գործողութեամբ «Զեմիրէից» յմտոյ կրկին վերադառնում է երեք գործողութեամբ կոմիկական օպերաներին:

Ե. Եւ, մեր կարծիքով, ամենակարեւոր հանդամանքը. եթէ «Ինդիանան» ստեղծուել է 1896-97-ին, ապա ինչու²¹ է օպերայի ձեռագիր պարտիսուրի տիտղոսաթերթին գրուած «1876»:

Եւ այսպէս, Զուխանեանի «Ինդիանա» օպերան գրուած է ըստ Արդիւլհակ Համիդիի²² «Հնդկուհին» ստեղծագործութեան: Լիբ-

²⁰ Սմբատ Քէսէնեան՝ Զուխանեանի մասին, Միծունակ, եռամսեայ երաժշտական յաւելուած Զաւակիր շարաթաթերթի, Զ. տարի, թիւ 2-3 (22-23), Ապրիլ Ցուլիս 2006, Կաչիրէ, էջ 77:

²¹ Թուրք գրականութեան յայտնի է էմքերից մէկի՝ Արդիւլհակ Համիդի մասին տե՛ս ՍՏԵՓՈՒՆԵԱՆ Գ., Տիգրան Զուխանեանի նորայայտ օպերան, էջ 28-29:

րետոն կազմել է Կիսլոսի Փրանտիական Հիւպատոսարանի թարգման եւ Փրանսագէտ Եօգէֆ (Յովսէփ) Էազրծեանը²²: Ի դէպ՝ լիբրետիստի անունը տեղ չի գտել նաեւ «Ինդիանային» անդրադարձ միակ երաժշտագէտ Մ. Մուրագէանի ուսումնասիրութեան մէջ: Առհասարակ՝ նրա մասին յիշատակում ենք առաջին անգամ:

«Ինդիանա» օպերայի ոչ մի թատերատեար, ցաւօք, մեզ չի հանել: Երեւանի Ե. Զարենցի անուան գրականութեան եւ արուեստի թանգարանում պահուող՝ Տ. Զուխաճեանի դիւանում կայ «Ինդիանա» օպերայի ձեռագիր և ձայնատեար, և կլաւիր եւ գործիքային նուագամաներ: Դրանք են՝

N 30, ձայնատեար, I գործողութիւն, պարունակում է ձեռագիր 121 թերթ:

N 31, ձայնատեար, II գործողութիւն, պարունակում է ձեռագիր 100 թերթ:

N 32, ձայնատեար, III գործողութիւն, պարունակում է ձեռագիր 99 թերթ:

N 33, կլաւիր, I գործողութիւն, պարունակում է ձեռագիր 60 թերթ:

N 34, կլաւիր, II գործողութիւն, պարունակում է ձեռագիր 52 թերթ:

N 35, կլաւիր, III գործողութիւն, պարունակում է ձեռագիր 49 թերթ:

N 36-48, գործիքային պարտիաներ, Տետր N 1-10, Տետր N 12-15:

«Ինդիանայի»՝ հրաշքով պահպանուած եւ մեզ հասած ձեռագիր պարտիտուրը եւ կլաւիրն ուսումնասիրողի առջեւ լուրջ պրոբլեմներ են դնում, քանի որ բառային տեքստը լատինատառ, Փրանսագիր թուրքերէն է: Ուստի անհրաժեշտութիւն առաջացաւ թարգմանելու եւ իր կենսագրութեան ընթացքում առաջին անգամ հայացնելու օպերան, ինչն իրականացրեց բանաստեղծուհի Անահիտ Պօղիկեան-Դարբինեանը: Նրա շնորհիւ ոչ միայն հնարաւոր դարձաւ օպերայի ուսումնասիրութիւնը, այլև լուրջ նախադրեալներ ստեղծուեցին հայրենիքում հայերէն լեզուով դըրա բեմադրութեան համար:

²² Տե՛ս «Ինդիանայի» ձեռագիր կլաւիրի երկրորդ գործողութեան տիտղոսաթերթը:

Մինչ օրս «Ինդիանան» չի ուսումնասիրուել, եթէ ի նկատի չառնենք Մ. Մուրագեանի թուրցիկ անդրադարձն օպերային: Երաժշտական չուխաճեանագիտութեան մէջ հետեւղականօրէն լուրթեան է մատնուել օպերայի գոյութեան փաստն իսկ: Ուստի փորձենք լրացնել երաժշտական չուխաճեանագիտութեան մէջ առկայ այդ բացը:

Մ. Մուրագեանն իր «Ուրուագիծ արեւմտահայ երաժշտութեան պատմութեան» աշխատութեան մէջ շարադրելով «Ինդիանայի» համառօտ րովանդակութիւնը՝ գրում է. «Երիտասարդ Վարունան եւ Միքայէն փոխադարձարար սիրում են, իսկ Վարունայի մայրը՝ Վահիւուն հաւանել է մի այլ մարդու՝ Նարանին, որը թէւ մեծ է աղջկանից, բայց հարուստ է եւ կարող է ապահովել իր աղջկայ կեանքը»²³:

Սակայն ըստ մեր ուսումնասիրութեան՝ իրականութիւնը բոլորովին այլ է.

Վարունա-Միքայէ զոյգում, ըստ Մուրագեանի, աղջիկը Վարունան է, մինչեւ իրակմում օպերայի գլխաւոր հերոսուհին ոչ թէ Վարունան է, այլ Միքայէն:

Վահիւուն Վարունայի մայրը չէ, աւելին՝ առհասարակ նակին հերոս չէ թէկուզ այն պատճառով, որ նրա երգամասը ծաւլում է բասի բանալիում:

Վարունան ամենեւին էլ երիտասարդ չէ, նա զլիսաւոր հերոսուհու՝ Միքայէի հայրն է, այսինքն՝ Վարունան եւ Միքայէն ոչ թէ սիրահարներ են, այլ հայր եւ դուստր: Դրանում համոզուելու համար պէտք է ընդամէնը տեսնել, թէ ինչպէս երրորդ գործողութեան N 12-ի սկզբում Միքայէի «Հայր իմ, շատ ուրախացագ» ռեպիիին պատասխանում է Վարունան: Նոյն տեսարանում Վարունան դիմում է Միքայէին «Իմ դուստր» խօսքերով:

Իրականում Միքայէի սիրած երիտասարդն օպերայում Բագաւենն է, որի մասին Մուրագեանի մօտ որեւէ յիշատակութիւն չկայ. Հէնց նա է մեկնում մարտի եւ փրկում հայրենիքը, մինչդեռ ըստ Մուրագեանի «Միքայէն», իր ընկերների հետ միասին, նուիրուած է հայրենիքի փրկութեան գործին եւ նրանց յաջողուում է կանխել վերահաս վտանգը: Իրադարձութիւնների յետագայ զարգացումը յանգեցնում է այն բանին, որ մայրը հա-

²³ ՄՈՒՐԱԳԵԱՆ Մ., Ուրուագիծ արեւմտահայ երաժշտութեան պատմութեան, էջ 165.

մաճայնում է երիտասարդների ամուսնութեանը, որոնք ուրախ են ու երջանիկ, որ իրենց հայրենիքն ազատագրուել է եւ իրենք էլ հասել են իրենց փափագին»²⁴: Խսկապէս օպերայի վերջում երիտասարդներն ամուսնութեանը են, բայց ամուսնութեանը ոչ թէ Միքայէն ու Վարունան, այլ՝ Միքայէն եւ Բագաւենը: Ինչ վերաբերում է հերոսուհու մօրը, ապա նրա կերպարն օպերայում առհասարակ բացակայում է: «Խնդիանայի» միակ կին գործող անձը Միքայէն է, մնացած բոլորը տղամարդիկ են:

*Մ. Մուրադեանը գրում է: «օպերայի տեխնի մէջ տեղ են տրուել նոյնիսկ քաղաքական լոգութեանը իրական առողջապահութեանը», «փա՛ռք սուլթանին» եւ այլն, որոնք հակասում են հնդկական բովանդակութեանը»²⁵: *Մինչդեռ օպերայում նման արտայայտութիւնների մենք չենք հանդիպել այստեղ փառարանում է ոչ թէ սուլթանը, այլ՝ առաջին հերթին հայրենիքը*²⁶, ինչպէս նաև արքան եւ ժողովուրդը, Ռաջան²⁷, Ռաջան²⁸:*

Օպերայի ժանրային պատկանելութեան վերաբերեալ երաժշտական չուխաճեանագիտութեանը ցայսօր յայտնի միակ կարծիքը *Մ. Մուրադեանին* է: ««Խնդիանայի» նախնական օրինակըն, ըստ երեւոյթին, ունեցել է լուրջ բովանդակութիւն, եղել է հայրենասիրական թույրի և դրա հետ սերորեն միահիւսուած է զլիխանոր հերոսների՝ Միքայէի և Վարունայի անխարդախ սիրոյ քնարական գիծը: Այստեղ օպերետային քե-

²⁴ Նոյն տեղում, էջ 165-166:

²⁵ Տե՛ս ՄՈՒՐԱԴԵԱՆ Մ., «Խնդիանա» օպերայի կլաւիրի մասին, էջ 31:

²⁶ Տե՛ս առաջին գործողութեան N 5 Փինալի եզրափակիչ խմբերգը. «Թող փառախուի հայրենիքը...», կամ երկրորդ գործողութեան N 10 Փինալի եզրափակիչ խմբերգը. «Հայրենիքին երջանկութիւն խնդրենք, խնդրենք...» կամ երրորդ գործողութեան N 15 Փինալի եզրափակիչ խմբերգը. «Մեր կեանքը մատազ կ'անենք մեր երկրին, արիւնը կը տանք մեր հայրենիքին»:

²⁷ Տե՛ս առաջին գործողութեան N 5 Փինալի եզրափակիչ խմբերգը. «Թող կեցցեն արքան և ժողովուրդը, կեցցէ՛ արքան, կեցցէ՛ արքան» կամ երրորդ գործողութեան N 15 Փինալի եզրափակիչ խմբերգը. «Կեցցէ՛ն ժողովուրդը եւ արքան»:

²⁸ Տե՛ս երկրորդ գործողութեան N 10 Փինալի եզրափակիչ խմբերգը. «Ժանա լին հօրութիւն խնդրենք, խնդրենք, խնդրենք» կամ երրորդ գործողութեան N 15 Փինալի եզրափակիչ խմբերգը. «Մեր Ժանա, դահող անսասան լինի, իշխանութիւնդ թող յարատեւի, յաջողութիւնը միշտ քեզ ուղեկցի, երկիրը թող քեզ յար փառարանի»:

թեւ վարք ու բարքի համար տեղ չկայ»²⁹: Եւ իսկապէս՝ «ինդիանան» հայրենասիրական օպերա է՝ լիբրետոյում թեւածում է հայրենասիրութեան գաղափարը, հայրենիքի ազատութեան եւ անկախութեան գաղափարն անցնում է ողջ օպերայի միջով, հայրենասիրութեամբ է չնչում երաժշտական կտաւի իրաքանչիւր էջ: Ըստ հութեան՝ պատմառոմանտիկական «Արշակից» եւ կոմիկական արիադալից՝ «Արիֆից», «Քէսոչ Քէհեալից» եւ «Լերլերիջիից» յետոյ Զուխաճեանը հանդէս է գալիս օպերային նոր ժանրում՝ ստեղծելով իր անդրանիկ միակ հայրենասիրական օպերան: Եւ բնական էր, որ թուրքական մոայլ իրականութեան պայմաններում կոմպոզիտորը հայրենասիրական միակ խոչոր կտաւի օրս-ում պիտի պատմէր ոչ թէ ի՞ր հայրենիքի ու ժողովրդի, այլ՝ հեռաւոր Հնդկաստանի ու անծանօթ հնդիկների մասին՝ նրանց նուիրական իդձերը նոյնացնելով իր եւ իր հայրենակիցների համար թանկ ու նուիրական հայրենիքի մասին երազանքների հետ:

«ինդիանան» Տ. Զուխաճեանի դերիւտն էր հայրենասիրական օպերայի ժանրում, որի մասին ոչ ոք այդպէս էլ չիմացաւ: Դերիւտն անցաւ աննկատ՝ հեղինակին մատուցելով դառնագին ապրումների հերթական չափարաժինը:

Օպերան առանձնանում է կոմպոզիտորի երաժշտական թատրոնում իր ճակատագրով: Ի տարբերութիւն միւս օպերաների, «ինդիանան» երրեք բեմ չըարձրացաւ ո՛չ հեղինակի կեանքի օրօք, ո՛չ նրա մահից յետոյ, ո՛չ հեղինակային մտայը-ղացմամբ եւ ո՛չ էլ խմբագրուած ձեւով: Աւելին՝ ի տարբերութիւն իր նախորդների եւ «Զեմիրէի», որոնց գոյութեան փաստը գոնէ յայտնի է, թէեւ երաժտութիւնն անծանօթ, «ինդիանան», ասես, անտեսուած ու մերժուած բոլորից՝ յանիրաւի մոռացութեան տրուեց: Մինչդեռ սա Զուխաճեանի լաւագոյն ստեղծագործութիւններից է, նրա հասուն չըջանի կատարեալ գործերից: Սրանում եւս կոմպոզիտորի դրամատիկական օժտուածութիւնը դրսեւորուեց ողջ կատարելութեամբ: Ստեղծելով «ինդիանան» Զուխաճեանը գնաց այն ճանապարհով, որ հարթել էր «Արշակում» եւ կոմիկական օպերաներում. զարգացած անսամբլներ,

²⁹ ՄՈՒՐԱԴԵԱՆ Մ., «Ինդիանա» օպերայի կատիրի մասին, էջ 32: ՄՈՒՐԱԴԵԱՆ Մ., Արուագիծ արևմտահայ երաժշտութեան պատմութեան, էջ 167:

ժաւալուն մասսայական տեսարաններ, բայիտային տեսարան: «Խնդիանայով» կոմպոզիտորը յատակ ուղիներ է նախանշում դէպի «Զեմիրէ». այստեղ հանդէս եկած կերպարներն ու իրավիճակներն իրենց այլազան գրսեւորումն ու շարունակութիւնն էին գտնելու «Զեմիրէում»:

| Օպերան գրուած է թուրքերէն, բաղկացած է երեք գործողութիւնից, 15 համարից:

Անսպառ է օպերայի մեղեդիական հարստութիւնը: Մեղեդիայնութեամբ են յագեցած անգամ ասերգերը: Չուխաճեանը վարպետօրէն է բնութագրում սեփական երաժշտական լեզուով օժտուած իր հերոսներին: Նրանցից իւրաքանչիւրն անհատականացուած է՝ սրանք վառ գծագրուած բնաւորութիւններ են եւ ունեն ցայտուն բնութագրեր: Ճի կողմից՝ ընդհանրացուած, միւս կողմից՝ որոշակի հոգեկան առանձնայատկութիւնների մարմնաւորողներ:

Բազմակողմանիօրէն է ներկայացուած ժողովուրդը. դրա վկայութիւնն են առատօրէն հանդիպող խմբերգային տեսարանները: Նշանակալի է մասսայական տեսարանների դերը. խմբերգերը կտրուած չեն գործողութիւնից, այլ օրգանապէս ներգրրում են օպերայի դրամատուրգիայում: Ծաւալուն խմբերգային տեսարանները բացայացում են ժողովրդի ընդհանրացուած կերպարը: Շարունակելով իր օպերային դրամատուրգիայի աւանդովթները, կոմպոզիտորն օպերան սկսում եւ աւարտում է խըմբերգային տեսարաններով, դրանց ինքնուրույն նշանակութեամբ օժտում կենտրոնական գործողութիւններում: Աւելին՝ ինչպէս «Քէօսէ Քէհեայում», «Խնդիանայում» եւս երգչախումբը տեղ է գտնել օպերայի նուազախմբային Պրելիւդում՝ նկատի ունենք Պրելիւդի երկրորդ բաժինը՝ սոպրանօնների Es-dur խմբերգը: Երգչախումբը թէ՛ ակտիւ մասնակցում է օպերայում ծաւալուող իրադարձութիւններին եւ թէ՛ նպաստում գլխաւոր հերոսների հոգեվիճակների բացայատմանը: Այսպէս՝ գլխաւոր հերոսների երաժշտական բնութագրերում կոմպոզիտորը ներգրաւում է երգչախմբին (կանանց եւ իսառը) թէ՛ մենակատար համարներում (Վահիւուի³⁰ N 2 քառեակները առաջին գործողութիւնից, Մի-

30 Հստ Մ. Մուրադեանի՝ «աեղի է ունենում աղջկայ մօր՝ վահեւայի հանդիպումը հարուստ փեսացու նաթանի հետ, որի ընթացքում վահեւան հանգստացնում է նրան - հաւատացնում, թէ նա կը հասնի իր մուրագին, - վարունան կը դառնայ նրա կինը» (տե՛ս ՄՈՒՐԱԴԵԱՆ Մ., «Խնդիանա»

քալէի N 11 ռոմանաը երրորդ գործողութիւնից), թէ՛ անսամբլներում (Միքալէի, Բագաւենի եւ Վահշիւուի N 9 արիոն ու Վահշիւուի, Վարունայի, Միքալէի եւ Կովիդանի N 10 կուարտետն առաջին գործողութիւնից), թէ՛ առանձին խմբերգային տեսարաններում եւ թէ՛ ֆինալներում՝ օպերայի կուլմինացիայում եւ հանգուցալուծման ժամանակ:

Օպերայում նշանակալի տեղ են գրաւում անսամբլները, որոնք բացայացում են հերոսների երաժշտական կերպարները, նրանց փոխարարերութիւններն ու բախումները: Այսպէս՝ օպերայի գլխաւոր հերոսներն ունեն մենակատար մէկական համարներ՝ Վահշիւուի N 2 քառեակները եւ Վարունայի N 4 արիան առաջին գործողութիւնից, Բագաւենի N 8 ռոմանաը երրորդ գործողութիւնից, մինչդեռ նրանց կերպարներն օպերայի ընթացքում մէծ զարգացում են ապրում, եւ դա կատարւում է տարրեր հերոսների ու երգչախմբի մասնակցութեամբ անսամբլներում: Թէեւ օպերան ունի աւանդական համարային կառուցուածք (ինչպէս կոմպոզիտորի մնացած բոլոր օպերաները), սակայն աւարտուն համարների (արիա, ռոմանս, զուգերգ, տրիո, կուարտետ, դուէտնո, նուագախմբային դրուագներ) կողքին Զուխաճեանը ստեղծում է անընդմէջ զարգացող միջանցիկ տեսարաններ ու գործողութիւններ, ինչը կոմպոզիտորի գրամատուրգիական տաղանդի վկայութիւնն է:

Անհնար է խօսել «Ինդիանայի» ոճի մասին՝ առանց ընդդեկու սիմֆոնիկ նուագախմբի նշանակալի դերն օպերայի դրամատուրգիայում: Նուագախմումը զրամայի լիիրաւ մասնակից է՝ յաճախ նրան է յանձնարարուում գործողութեան մէջ զլիսաւոր դերը: Եթեմն նուագախմումը դառնում է մեղեդու հիմնական

օպերայի կլասիկի մասին, էջ 31): Աչ թէ Վահշեւան, այլ՝ Վահշիւուն, չը կարող լինել ազգկայ մայրը՝ թէկուզ Միքալէի, քանի որ նրա երգամանաը կլաւիրում շարպրաւած է բասի բանալիում, հետեւարար այդ հերոսը կին լինել չըր կարող: Իրականում Վահշիւուն իմաստուն անձնաւորութիւն է, որը մեծ յարգանք է վայելում բոլորի կողմից: Նա կարևոր դեր է կատարում իրադարձութիւնների յնտագայ ծաւարման գործում եւ պատահական չէ, որ հերոսի երաժշտական կերպարն ունկնդրին առաջին անգամ ներկայանում է Բագաւենից ու Միքալէից անմիջակէս հետ, երգչախմբի հետ տեսարանում: չչ որ նա մեծ հեղինակութիւն է: Վահշիւուի կերպարն, ասես, կանխագուշակում է կրոգիայի կերպարը՝ «Զեմիրէից»: Նա նոյնայս սիրահարների հովանաւորն էր եւ աջակցում էր կլսանթուրին ու Զեմիրէին:

կրողը: Նուագախմբի միջոցով է Զուխաճեանը տալիս հերոսների եւ իրավիճակների վառ բնութագրերը: Թէեւ նուագախումբը հիմնականում նուագակցում է հերոսների եւ երգչախմբի երգամասը՝ դառնալով վերջիններիս համար տոնայնական հարմոնիկ հէնք, «Նկարագրում» բեմական իրավիճակները, սակայն օպերայում, ինչպէս եւ Զուխաճեանի միւս օպերաներում էր, առկայ են ինքնուրոյն նուագախմբային համարներ: Դրանք են՝

1. Պրելիւդը, որը պայմանականօրէն ստորաբաժանում է երկու մասի՝ նուագախմբային եւ խմբերգային³¹, ընդ որում, նուագախմբային հատուածի թեմատիկ նիւթն ամբողջութեամբ վերցուած է օպերայից³²:

Երկրորդ գործողութեան պրելիւդը, որտեղ հնչում է հայրենիքին թեման՝ առաջին եւ երկրորդ գործողութիւնների ֆինալների առօլ վալւ-խմբերգը.

Երրորդ գործողութիւնից N 11 խմբերգի թեմայի վրայ.

Երրորդ գործողութիւնից N 15 Քայլերգը՝ օպերայի միակ բաշխտային տեսարանը.

Նուագախմբային մուտքերը, որոնք ստեղծում են տուեալ տեսարանի հոգեբանական մթնոլորտն ու տոնայնապէս, երբեմն էլ՝ թեմատիկօրէն նախապատրաստում դրանք:

«Ինդիանայի» երաժշտական լեզուի արտայայտչականութեան կարեւոր գործօններից է հարմոնիան, որը նշանակալի գեր ունի երաժշտական կերպարների բացայացման գործում: Զուխաճեանը յենուում է եւրոպական մաժոր եւ մինոր ձայնակարգային համակարգերի վրայ: Իր արեւելեան հերոսների երաժշտական կերպարների առաւել դիմուկ վերարտադրման համար կոմպոզիտորը լայնօրէն կիրառում է համապատասխան արտայայտչամիջոցներ՝ հարմոնիկ եւ կրկնակի հարմոնիկ մինորներ՝

³¹ Աս երկրորդ դէպքն է Զուխաճեանի երաժշտական թատրոնում (առաջինը՝ «Քէօսէ Քեհեայում»), երբ օպերայի նուագախմբային նախերգանքը բաղկացած է երկու՝ նուագախմբային եւ խմբերգային բաժիններից:

³² «Քէօսէ Քեհեայի» Պրելիւդի նուագախմբային բաժնի թեմատիկ նիւթը նոյնապէս ամբողջութեամբ վերցուած է օպերայից, սակայն ընդհանրութիւն չկայ Պրելիւդի նուագախմբային եւ խմբերգային բաժինների միջև: Ի տարրերութիւն «Քէօսէ Քեհեայի»՝ «Ինդիանայի» Պրելիւդի խմբերգի մեղեղին աճում է նուագախմբային հատուածի թեմատիկ կորիգից:

ընդգծուած մեծացրած սեկունդաներով։ Այսպէս՝ կրկնակի հարմոնիկ ա-moll-ում են գրուած Վահիւուի N 2 քառեակները եւ N 9 տեսարանի եղբափակիչ խմբերգը, իսկ կրկնակի հարմոնիկ d-moll-ում՝ N 13 խմբերգն ու Քայլերգի առաջին էպիզոդը։ Հարմոնիկ ա-moll-ը հանդէս է գալիս Պրելիւզում, N 5 ֆինալում՝ Վարունայի եւ Վահիւուի երգամասերում, N 1 տեսարանի պահակների խմբերգում, Բագաւենի, Միքայէի ու Վահիւուի N 9 անսամբլում։ N 1 տեսարանի Միքայէի ու Բագաւենի անսամբլում, Վահիւուի N 5 կանտիլենայում եւ N 14 խմբերգում հարմոնիկ ց-moll-ն է, իսկ Բագաւենի N 8 ռոմանսում՝ հարմոնիկ c-moll-ը։

Նախորդ օպերաների պէս, այսուեղ եւս երաժշտական լեզուն առանձնանում է պարայնութեամբ։ ի մասնաւորի՝ վալսի ուիթմերը ներթափանցում են հերոսների (Նաթանի երգը առաջին գործողութեան N 5 Փինալից, Բագաւենի N 8 ռոմանսը երկրորդ գործողութիւնից) եւ երգչախմբի երգամասեր։ Աւելին՝ հայրենիքի թեման, որն անցնում է նուագախմբում (երկրորդ գործողութեան պրելիւդ), երգչախմբի եւ բոլոր գործող անձանց՝ Միքայէի, Վարունայի, Բագաւենի, Նաթանի, Վահիւուի եւ Կովկասնի երգամասերում (առաջին եւ երրորդ գործողութեան Փինալներ) եւ զրանով էլ աւարտում է օպերան՝ նոյնպէս վալս է։ Աւշագրաւ է օպերայի տոնախնական կառուցուածքը։ Չուխաճեանը կիրառում՝ համանուն տոնայնութիւնների համադրման վրայ խարսխուած ձայնակարգային զարառուղութիւններ, որոնք բնութագրում են այս կամ այն հերոսին։

N 11, Միքայէի ռոմանսը՝ c-moll – E-dur, N 13, Գանդէսին փառարանող խմբերգի Largo հատուածը՝ ց-moll – G-dur.

զուգահեռ տոնայնութիւններ, որոնք կազմում են որեւէ տեսարանի որեւէ բաժնի տոնախնական կառուցուածքը՝

N 9 տեսարանի եղբափակիչ կանանց խմբերգը՝ a-moll – C-dur, N 10 Փինալի b-moll անսամբլը՝ b-moll – Des-dur – b-moll.

որոշ դէպքերում տեսարանի կամ հերոսի երաժշտական բնութագրի տոնախնական կառուցուածքում ընդգրկում են միաժամանակ զուգահեռ եւ համանուն կամ էլ զուգահեռ եւ տէրցիւյային յարաբերակցութեան տոնայնութիւնները։

N 1 տեսարանից Միքայէի եւ Բագաւենի անսամբլում՝ ց-moll – B-dur – g-moll – G-dur – g-moll, N 1 տեսարանից Վահիւուի քառեակները՝ ց-moll – B-dur – G-dur.

Ճաժոր տոնայնութիւնների տերցիային համագրումներ՝

N 1 *խմբերդ* - e-moll – E-dur – G-dur – E-dur – C-dur – G-dur – E-dur, N 7 *Բագաւենի եւ Վահիւուի զուգերդի առաջին եւ երկրորդ բաժինները՝* G-dur – B-dur, N 13 *Քայլերդ՝* D-dur – d-moll *կրկ.* Հարմ – D-dur – B-dur – D-dur.

առնայնութիւնների սեկունդային յարաբերակցութիւններ՝
Երկրորդ գործողութեան սկիզբը՝ a-moll, աւարտը b-moll,
Երկրորդ գործողութեան պրելիւդի աւարտը՝ a-moll, N 6
տեսարանի սկիզբը՝ h-moll,

N 10 *Փինալի սկիզբը՝* a-moll, աւարտը՝ b-moll.

Քրոմատիկ կիսատոնային յարաբերակցութիւն.

Պրելիւդն սկսւում է E-dur-ում եւ աւարտվում Es-dur-ում:

Երաժշտական դրամատուրգիայի ամբողջականութիւնն ապահովելու նպատակով, իր օպերային դրամատուրգիայի սկզբունքներին հաւատարիմ, Զուխաճեանն «ինդիանայում» եւս տարածութեան վրայ ստեղծում է լադատոնայնական ու թեմատիկ կամուրջներ, իսկ միջանցիկ զարգացման անընդհատութիւնն ու մի դրուագից միւսը ճկուն անցումները միտուած են օպերայի ձեւի միասնականութեան ամրագնդմանը:

The Mystery of “Indiana” by Dikran Tchouhadjian

ANNA ASATYRAN

(summary)

One of the greatest mysteries of Dikran Tchouhadjian's life and creative work is the opera “Indiana”. The libretto is based on a work by the Turkish author, A. Hamid. “The Indian Lady”, was written by Hovsep Yasytehian.

“Indiana” was the author's debut in the genre of patriotic operas. It stands out among the other works of the composer due to its unusual history. Unlike his other operas, “Indiana” was staged neither during the composer's lifetime, nor after his death. Moreover, “Indiana” was ignored by all and was destined to oblivion. Nonetheless, the opera is one of the best and complete works of the composer.

The opera is in three acts and the libretto was translated into Armenian by the poet Anahit Poghikeyan-Darbinyan.

This paper seeks to pursue the fate of the manuscript of “Indiana” based on archival materials. Due to the efforts of the Armenian born Turkish composer, pianist, conductor and stateswoman, Sirvard Garamanoukyan, the opera score and original clavier manuscripts were housed in the archives of Dikran Tchouhadjian, in the Museum of Art and Literature – Yeghishe Charents, in Yerevan, in 1972.

It has been implied that the opera was written in the mid 1870's instead of the formerly suggested 1890's. The study of the author's manuscripts of “Indiana” has allowed us to distinguish the main peculiarities of the opera in terms of its performance, style and musical language.